



# МОЛИТВОСЛОВ

НА ВСЯКУЮ ПОТРЕБУ ДУШИ

Сборник

**Молитвослов на  
всякую потребу души**

Православное издательство "Сатись"

2006

## **Сборник**

Молитвослов на всякую потребу души / Сборник —  
Православное издательство "Сатись", 2006

ISBN 5-7373-0113-3

В молитвослов включены важнейшие для каждого христианина молитвословия: молитвы утренние и вечерние, правило ко святому Причащению, канон за болящего. Особенностью данного молитвослова является обширный раздел «Молитвы на разные случаи», куда включены мало известные молитвы; также в состав входит чин литии, которую может совершать мирянин. В формате PDF A4 сохранен издательский макет.

ISBN 5-7373-0113-3

© Сборник, 2006  
© Православное издательство  
"Сатись", 2006

## Содержание

Молитва о даровании молитвы	6
Молитвы утренние	7
Молитва мытаря	8
Молитва предначинательная	9
Молитва Святому Духу	10
Трисвятое	11
Молитва ко Пресвятой Троице	12
Молитва Господня	13
Тропари Троичные	14
Молитва ко Пресвятой Троице	15
Псалом 50	16
Символ веры	17
Молитва 1-я, святого Макария Великого	18
Молитва 2-я, того же святого	19
Молитва 3-я, того же святого	20
Молитва 4-я, того же святого	21
Молитва 5-я, святого Василия Великого	22
Молитва 6-я, того же святого	23
Молитва 7-я, ко Пресвятой Богородице	24
Молитва 8-я, ко Господу нашему Иисусу Христу	25
Молитва 9-я, ко Ангелу хранителю	26
Молитва 10-я, ко Пресвятой Богородице	27
Молитвенное призывание святого, имя которого носишь	28
Песнь Пресвятой Богородице	29
Тропарь Кресту и молитва за отечество	30
Молитва о живых	31
Молитва об усопших	32
Окончание молитв	33
Молитвы на сон грядущим	34
Тропари	35
Конец ознакомительного фрагмента.	36

# Молитвослов на всякую потребу души



*По благословению Митрополита Санкт-Петербургского и Ладужского ВЛАДИМИРА*



© Издательство «Сатисъ», оригинал-макет, оформление, 2006

## **Молитва о даровании молитвы**

Многомилостиве Господи! Сподоби нас божественного дарования святой молитвы, изливающейся из глубины сердечной; собери расточенный наш ум, дабы всегда стремился он к Тебе, Создателю и Спасителю своему; сокруши разжженные стрелы лукаваго, отравляющие нас от Тебя; угаси пламень помыслов, сильнее огня пожирающий нас во время молитвы; осени нас благодатию Пресвятаго Твоего Духа, дабы до скончания нашей грешной жизни, Тебя Единого любить всем сердцем, всею душою и мыслию и всею крепостию, а ближних как самих себя; и в час разлучения души нашей от брэннаго сего тела, о, Иисусе Сладчайший, прими в руке Твой дух наш, егда прийдеши во Царствии Твоем. Аминь.

Научи мя, Господи, усердно молиться Тебе со вниманием и любовью, без которых молитва не бывает услышана! Да не будет у меня небрежной молитвы во грех мне!

Господи, благослови меня принести Тебе молитвы и моления моя Твоему благоутробию о моем ничтожестве.

## Молитвы утренние

*Восстав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси<sup>1</sup>:*

Во имя Отца и Сына и Святаго Духа. Аминь.

*Затем немного подожди, пока все чувства твои не придут в тишину и мысли твои не оставят все земное, и тогда произнеси следующие молитвы, без поспешности и со вниманием сердечным:*

---

<sup>1</sup> Напечатанное курсивом и названия молитв не читаются во время молитвы.

## **Молитва мытаря**

*(Евангелие от Луки, глава 18, стих 13)*

Бóже, мѝлостив бѹди мне, грѣшному.

## **Молитва предначинательная**

Господи Иисусе Христе, Сыне Божий, моли нас ради Пречистой Твоей Матере и всех святых, помилуй нас. Аминь.

Слава Тебе, Боже наш, слава Тебе.

## Молитва Святому Духу

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша<sup>2</sup>.

---

<sup>2</sup> От Пасхи до Вознесения вместо этой молитвы читается тропарь: «Христос воскрес из мертвых, смертию смерть поправ, и сущим во гробех живот даровав». (*Трижды.*) От Вознесения до Троицы начинаем молитвы со «Святой Бже...», опуская все предшествующее.

## **Трисвятое**

Святы́й Бо́же, Святы́й Кре́пкий, Святы́й Безсме́ртный, поми́луй нас.

*(Чита́ется трижды, с крестным зна́мением и поясным поклоном.)*

Сла́ва Отцу́, и Сы́ну, и Свято́му Ду́ху, и ны́не и при́сно, и во ве́ки веко́в. Ами́нь.

## Молитва ко Пресвятой Троице

Пресвятая Троице, помилуй нас: Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. (*Трижды.*)

*Слава, и ныне*<sup>3</sup>:

---

<sup>3</sup> Когда напечатано «Слава:», «И ныне:», надо читать полностью: «Слава Отцу и Сыну и Святому Духу», «И ныне и присно, и во веки веков. Аминь».

## Молитва Господня

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

## Тропари Троичные

Воста́вше от сна, припа́даем Ти, Бла́же, и Ангельскую песнь вопи́ем Ти, Си́льне: Свят, Свят, Свят еси́, Бо́же, Богоро́дицею поми́луй нас.

*Сла́ва:* От одра́ и сна воздви́гл мя еси́, Го́споди, ум мой просвети́ и се́рдце, и устне́ мой отве́рзи, во е́же пе́ти Тя, Свята́я Троице: Свят, Свят, Свят еси́, Бо́же, Богоро́дицею поми́луй нас.

*И ны́не:* Внеза́пно Судия́ придет, и коегóждо дея́ния обнажа́тся, но стра́хом зове́м в полу́нощи: Свят, Свят, Свят еси́, Бо́же, Богоро́дицею поми́луй нас.

Го́споди, поми́луй. (12 раз.)

## Молитва ко Пресвятой Троице

От сна воста́в, благодарю́ Тя, Свята́я Троице, яко мно́гия ра́ди Твое́я бла́гости и долго-терпе́ния не прогна́вался еси́ на мя, ле́ниваго и грѣшнаго, ниже́ погуби́л мя еси́ со беззако́нными мои́ми; но человеколю́бствовал еси́ обы́чно и в неча́янии лежа́щаго воздви́гл мя еси́, во е́же у́треневати и славосло́вити держа́ву Твою́. И ны́не просвети́ мой о́чи мы́сленныя, отве́рзи моя́ уста́ поуча́тися словесе́м Твои́м, и разумѣ́ти за́поведи Твоя́, и твори́ти волю́ Твою́, и пе́ти Тя во испове́дании серде́чном, и воспева́ти всесвятое́ и́мя Твое́, Отца́, и Сы́на, и Свята́го Ду́ха, ны́не и при́сно, и во ве́ки веко́в. Ами́нь.

Прииди́те, поклони́мся Царе́ви на́шему Бо́гу. *(Поклон.)*

Прииди́те, поклони́мся и припаде́м Христу́, Царе́ви на́шему Бо́гу. *(Поклон.)*

Прииди́те, поклони́мся и припаде́м Само́му Христу́, Царе́ви и Бо́гу на́шему. *(Поклон.)*

## Псалом 50

Помилуй мя, Бóже, по велицей милости Твоей и по множеству щедрот Твоих очисти беззаконие мое. Наипаче омой мя от беззакония моего и от греха моего очисти мя; яко беззаконие мое аз знаю, и грех мой предо мною есть вина. Тебе единому согреших и лукавое пред Тобою сотворих; яко да оправдишися во словесех Твоих, и победиши, внегда судити Ти. Се бо в беззаконных зачат есмь, и во гресех роди мя мати моя. Се бо истину возлюбил еси; безвестная и тайная премудрости Твоея явил ми еси. Окропиши мя иссопом, и очищуся; омыеши мя, и паче снега убелюся. Слуху моему даши радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Бóже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Бóже, Бóже спасения моего; возрадуется язык мой правде Твоей. Господи, устне мои отверзешу, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Бóгу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

## Символ веры

<sup>1</sup>Вѣрую во еди́наго Бѣга Отца́ Вседержителя, Творца́ небу и земли, видимым же всем и невидимым. <sup>2</sup>И во еди́наго Гѣспода Иису́са Христа́, Сы́на Бѣжия, Единоро́днаго, Иже от Отца́ рождѣннаго прѣжде всех век: Свѣта от Свѣта, Бѣга и́стинна от Бѣга и́стинна, рождѣнна, несотворѣнна, единосущна Отцу́, Имже вся бы́ша. <sup>3</sup>Нас ра́ди человек и на́шего ра́ди спасѣния сше́дшаго с Небѣс и воплотившагося от Ду́ха Свя́та и Мари́и Дѣвы, и вочеловѣчшася. <sup>4</sup>Распя́таго же за ны при Понтийстем Пилáте, и страда́вша, и погребѣнна. <sup>5</sup>И воскрѣсшаго в трѣтій день по Писáнием. <sup>6</sup>И возше́дшаго на Небеса́, и седя́ща одесну́ю Отца́. <sup>7</sup>И па́ки грядущаго со сла́вою судити живы́м и мѣртвым, Егѣже Цáрствию не бѣдет конца́. <sup>8</sup>И в Ду́ха Свята́го, Гѣспода, Животворя́щаго, Иже от Отца́ исходя́щаго, Иже со Отце́м и Сы́ном спокланя́ема и сславима, глаго́лавшаго проро́ки. <sup>9</sup>Во еди́ну Святу́ю, Собѣрную и Апѣстольскую Цѣрковь. <sup>10</sup>Исповѣдую еди́но крещѣние во оставлѣние грехѣв. <sup>11</sup>Ча́ю воскрѣсѣния мѣртвых, <sup>12</sup>и жи́зни бѣдущаго вѣка. Ами́нь.

## **Молитва 1-я, святого Макария Великого**

Бóже, очисти мя, грѣшнаго, яко николиже сотворих благое пред Тобою; но избáви мя от лукаваго, и да бѹдет во мне воля Твоя, да неосужденно отвѣрзу уста моя недостóйная и восхвалю имя Твое святое, Отца, и Сына, и Святаго Дѹха, ныне и присно, и во веки веков. Амѣнь.

## **Молитва 2-я, того же святого**

От сна воста́в, полунощную песнь приношу́ Ти, Спа́се, и припада́я вопию́ Ти: не даждь ми усну́ти во грехо́вней сме́рти, но ущедри́ мя, распный́ся волею, и лежа́щаго мя в ле́ности ускори́в воста́ви, и спаси́ мя в предстоя́нии и моли́тве, и по сне но́щнем возсия́й ми день безгреше́н, Христе́ Бо́же, и спаси́ мя.

### **Молитва 3-я, того же святого**

К Тебѣ, Владыко Человеколюбче, от сна востав прибегаю, и на дела Твоя подвизаюся милосердием Твоим, и молюся Тебѣ: помози ми на всякое время, во всякой вещи, и избави мя от всякия мирския злыя вещи и диавольскаго поспешения, и спаси мя, и введи в Царство Твое вечное. Ты бо еси мой Сотворитель и всякому благу Промысленник и Податель, о Тебѣ же все упование мое, и Тебѣ славу возсылаю, ныне и присно, и во веки веков. Аминь.

## **Молитва 4-я, того же святого**

Господи, Иже мно́гою Твое́ю бла́гостию и вели́кими щедро́тами Твоими дал еси́ мне, рабу́ Твоему́, мимоше́дшее вре́мя но́щи сея́ без напа́сти прейти́ от всякаго зла проти́вна; Ты Сам, Влады́ко, всяческих Тво́рче, сподо́би мя и́стинным Твои́м све́том и просвеще́нным се́рдцем твори́ти во́лю Твою́, ны́не и при́сно, и во ве́ки веко́в. Ами́нь.

## Молитва 5-я, святого Василия Великого

Господи Вседержителю, Боже Сил и всякия плоти, в вышних живый и на смиренныя призирающий, сердца же и утробы испытующий и сокровенная человеков яже предведый, Безначальный и Присносущный Свете, у Негоже несть пременение, или преложения осенение; Сам, Безсмертный Царю, прими моления наша, яже в настоящее время, на множество Твоих щедрот держающе, от скверных к Тебе устен творим, и остави нам прегрешения наша, яже делом, и словом, и мыслию, ведением или неведением согрешенная нами; и очисти ны от всякия скверны плоти и духа. И даруй нам бодренным сердцем и трезвеною мыслию всю настоящего жития ночь прейти, ожидающим пришествия светлаго и явленного дне Единороднаго Твоего Сына, Господа и Бога и Спаса нашего Иисуса Христа, в оньже со славою Судия всех приидет комуждо воздати по делу его; да не падше и обленившися, но бодрствующе и воздвижени в делание обрящемся готови, в радость и Божественный чертог славы Его совнидем, идеже празднующих глас непрестанный и неизреченная сладость зрящих Твоего лица доброту неизреченную. Ты бо еси истинный Свет, просвещающий и освящающий всяческая, и Тя поет вся тварь во веки веков.

Аминь.

## **Молитва 6-я, того же святого**

Тя благословим, вышний Боже и Господи милости, творящаго присно с нами великая же и неизследованная, славная же и ужасная, ихже несть числа, подавшаго нам сон во упокоение немощи нашея и ослабление трудов многотрудных плоти. Благодарим Тя, яко не погубил еси нас со беззаконными нашими, но человеколюбствовал еси обычно и в нечаянии лежащая ны воздвигл еси, во еже славословити державу Твою. Темже молим безмерную Твою благодать: просвети наша мысли, очеса, и ум наш от тяжкаго сна лености возстави: отверзи наша уста и исполни я Твоего хваления, яко да возможем непоколеблемо пети же и исповедатися Тебе, во всех и от всех славному Богу, Безначальному Отцу, со Единородным Твоим Сыном и Всесвятым и Благим и Животворящим Твоим Духом, ныне и присно, и во веки веков.

Аминь.

## Молитва 7-я, ко Пресвятой Богородице

Воспеваю благодать Твою, Владычице, молю Тя, ум мой облагодати. Ступати право мя настави, путем Христовых заповедей. Бдети к песни укрепи, уныния сон отгоняючи. Связана пленицами грехопадений, мольбами Твоими разреши, Богоневесто. В нощи мя и во дни сохраняй, борющихся враг избавляючи мя. Жизнодателя Бога рождающая, умерщвлена мя страстьми оживи. Яже Свет невечерний рождающая, душу мою ослепшую просвети. О дивная Владычня палато, дом Духа Божественна мене сотвори. Врача рождающая, уврачуи души моея многолетних страсти. Волнующаяся житейскою бурей ко стези мя покаяния направи. Избави мя огня вечнующаго, и червья же злаго, и тартара. Да мя не явиши бесом радование, иже многим грехом повинника. Нова сотвори мя, обетшавшаго нечувственными, Пренепорочная, согрешении. Странна муки всякия покажи мя и всех Владыку умоли. Небесная ми улучшить веселия со всеми святыми сподоби. Пресвятая Дево, услыши глас непотребнаго раба Твоего. Струю давай мне слезам, Пречистая, души моея скверну очищаючи. Стенания от сердца приношу Ти непрестанно, усердствуй, Владычице. Молбную службу мою прими и Богу благоутробному принеси. Превышшая Ангел, мирскаго мя превышша слития сотвори. Светонбная Сене небесная, духовную благодать во мне направи. Руце воздею и устне к похвалению, осквернены скверною, Все непорочная. Душетленных мя пакостей избави, Христа прилежно умоляючи; Ему же честь и поклонение подобает, ныне и присно, и во веки веков.

Аминь.

## Молитва 8-я, ко Господу нашему Иисусу Христу

Многомилостиве и Всемилостиве Боже мой, Господи Иисусе Христе, многия ради любви спшел и воплотился еси, яко да спасеши всех. И паки, Спасе, спаси мя по благодати, молю Тя; аще бо от дел спасеши мя, несть се благодать и дар, но долг паче. Ей, многий в щедротах и неизреченный в милости! Веруяй бо в Мя, рекл еси, о Христе мой, жив будет и не узрит смерти во веки. Аще убо вера, яже в Тя, спасает отчаянных, се верую, спаси мя, яко Бог мой еси Ты и Создатель. Вера же вместо дел да вменится мне, Боже мой, не обрящеши бо дел, отнюд оправдающих мя. Но та вера моя да довлет вместо всех, та да отвещает, та да оправдит мя, та да покажет мя причастника славы Твоея вечныя. Да не убо похитит мя сатана и похвалится, Слове, еже оторгнути мя от Твоея руки и ограды; но или хошу, спаси мя, или не хошу, Христе Спасе мой, предвари скоро, скоро погибох: Ты бо еси Бог мой от чрева матери моея. Сподоби мя, Господи, ныне возлюбити Тя, якоже возлюбих иногда той самый грех; и паки поработати Тебе без лени тощно, якоже поработах прежде сатане лстивому. Наипаче же поработаю Тебе, Господу и Богу моему Иисусу Христу, во вся дни живота моего, ныне и присно, и во веки веков.

Аминь.

## **Молитва 9-я, ко Ангелу хранителю**

Святыи Ангеле, предстоиши окаянной моеи души и страстной моеи жизни, не остави мене, грешнаго, ниже отступи от мене за невоздержание мое. Не даждь места лукавому демону обладати мною насильством смертнаго сего телесе; укрепии бедствующую и худую мою руку и настави мя на путь спасения. Ей, святыи Ангеле Божий, хранителю и покровителю окаянныя моея души и тела, вся мне прости, еликими тя оскорбих во вся дни живо та моего, и аще что согреших в прешедшую ночь сию, покрый мя в настоящий день и сохрани мя от всякаго искушения противнаго, да ни в коем гресе прогневаю Бога, и молися за мя ко Господу, да утвердит мя в страхе Своем и достойна покажет мя раба Своея благодати. Аминь.

## **Молитва 10-я, ко Пресвятой Богородице**

Пресвятая Владычице моя Богородице, святыми Твоими и всеильными мольбами отжени от мене, смиренного и окаянного раба Твоего, уныние, забвение, неразумие, нерадение и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и любых воспоминаний и предприятий, и от всех действий злых свободи мя. Яко благословенна еси от всех родов, и славится пречестное имя Твое во веки веков. Аминь.

## **Молитвенное призывание святого, имя которого носишь**

Моли́ Бóга о мне, святы́й уго́днице Бóжий (имя), яко аз усéрдно к тебе́ прибега́ю, скóрому помóщнику и моли́твеннику о душе́ моёй.

## **Песнь Пресвятой Богородице**

Богородице Дѣво, радуйся, Благодѣтельная Маріе, Господь с Тобѣю; благословенна Ты в женах, и благословен Плод чрева Твоего, яко Спаса родила еси душ наших.

## **Тропарь Кресту и молитва за отечество**

Спаси, Господи, люди Твоя и благослови достояние Твое, победы православным христианом на сопротивных даруя и Твое сохраняя Крестом Твоим жительство.

## **Молитва о живых**

Спаси, Господи, и помилуй отца моего духовного (имя), родителей моих (имена), сродников (имена), начальников, наставников, благодетелей (имена) и всех православных христиан.

## **Молитва об усопших**

Упокой, Господи, души усопших раб Твоих: родителей моих (имена), сродников (имена), благодетелей (имена) и всех православных христиан, и прости им вся согрешения вольная и невольная, и даруй им Царствие Небесное.

## Окончание молитв

Досто́йно есть яко воистину блажи́ти Тя, Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херуви́м и сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу Тя велича́ем<sup>4</sup>.

*Сла́ва, и ны́не: Го́споди, поми́луй. (Трижды.)*

Го́споди Иису́се Христé, Сы́не Бо́жий, моли́тв ра́ди Пречи́стыя Твоея́ Ма́тере, преподо́бных и богоно́сных отец на́ших и всех святы́х, поми́луй нас. Ами́нь.

---

<sup>4</sup> От Пасхи до Вознесения вместо этой молитвы читается припев и ирмос 9-й песни пасхального канона: «Ангел вопияше Благодатней: Чистая Дево, радуйся! И паки реку: радуйся! Твой Сын воскрес тридневен от гроба и мертвым воздвигнувший; людие, веселитесь! Светися, светися, новый Иерусалиме, слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о восстании Рождества Твоего». Это замечание относится и к молитвам на сон грядущим.

## Молитвы на сон грядущим

Во имя Отца, и Сына, и Святаго Духа. Аминь.

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отцев наших и всех святых, помилуй нас. Аминь.

Слава Тебе, Боже наш, слава Тебе.

Царю Небесны... (стр. 6)

*Трисвятое по Отче наш...* (стр. 7–8)

## Тропари

Помілуй нас, Гóсподи, помілуй нас; всякаго бо отвѣта недоумѣюще, сию Ти молитву яко Владыце грѣшнии принѣсим: помілуй нас.

*Сла́ва:* Гóсподи, помілуй нас, на Тя бо упова́хом; не прогнѣвайся на ны зело́, ниже помяни́ беззакóний на́ших, но при́зри и ны́не, яко благоутрѣбен, и избáви ны от враг на́ших; Ты бо еси́ Бог наш, и мы лю́дие Твои́, вси дела́ руку́ Твоею́, и и́мя Твое́ призывáем.

## **Конец ознакомительного фрагмента.**

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.